

**Ministri Dutus Bekerjasama dengan Menteri Kristus di Surga  
untuk Menggembala Gereja Tuhan yang Merupakan Kawan-Nya  
demi Pembinaan Tubuh Kristus dan Kepulihbangkitan Baru**

Bacaan Bible: Yoh. 10:11, 16; 21:15-17; 1 Ptr. 2:25; 5:4; Ibr. 13:20; Wahi 1:13; 2:1, 7

- I. Mazmur 22 hingga 24 ialah sekelompok mazmur yang mewahikan Kristus dari penyaliban-Nya menerusi penggembalaan-Nya hingga kemaharajaan-Nya pada zaman yang akan datang:**
  - A. Mazmur 23, yang berkaitan dengan Kristus sebagai Gembala dalam kebangkitan dan kenaikan-Nya ke syurga, ialah jambatan antara kematian Kristus yang menebus dan kebangkitan-Nya yang menghasilkan gereja dalam Mazmur 22, dengan perkembalian Kristus sebagai Raja yang akan memperoleh semula seluruh bumi menerusi gereja yang merupakan Tubuh-Nya dalam Mazmur 24.
  - B. Dalam ministri-Nya di syurga, Kristus sentiasa menggembala orang, dan kita perlu bekerjasama dengan-Nya dengan menggembala orang; jika kita menerima persekutuan sebegini, kepulihbangkitan yang besar akan berlaku di bumi untuk membawa Tuan kembali.
- II. Yohanes 21 mewahikan ministri dutus bekerjasama dengan ministri Kristus di syurga; bab ini merupakan pelengkapan dan konsumsi bagi Injil Yohanes:**
  - A. Injil Yohanes mempunyai dua puluh satu bab, namun Injil Yohanes sebenarnya berakhir dengan bab 20.
  - B. Seluruh buku ini membicarakan ministri Kristus di bumi, bermula dengan inkarnasi Dia sebagai Sabda Tuhan yang menjadi manusia dalam tubuh daging (1:14) dan berakhir dengan kebangkitan Dia sebagai Adam terakhir yang menjadi Roh beri-hayat (20:22); oleh itu, bab 21 sepatutnya merupakan satu lampiran.
  - C. Walaupun betul berkata sebegini, namun adalah lebih intrinsik untuk mengatakan bahawa Yohanes 21 merupakan pelengkapan dan konsumsi Injil Yohanes; bab ini menyempurnakan seluruh Injil Yohanes dengan menunjukkan bahawa ministri Kristus di syurga dan ministri dutus di bumi bekerjasama untuk melaksanakan ekonomi Tuhan.
- III. Dalam Yohanes 10:10-11 dan 16, Tuan menyingkapkan kepada disipal-disipal bahawa Dia ialah Gembala baik yang datang supaya domba dapat beroleh hayat secara berlimpah-limpah, dan bahawa Dia mempunyai domba lain (bangsa Asing), dan Dia harus memimpin domba lain ini untuk digabungkan dengan mereka (percayawan Yahudi) agar menjadi satu kawan (satu gereja) di bawah satu Gembala:**
  - A. Penggembalaan Tuan pertama kali adalah dalam ministri-Nya di bumi—Mat. 9:36; bd. 10:1-6.
  - B. Penggembalaan Tuan yang kedua adalah dalam ministri-Nya di syurga (1 Ptr. 5:4) untuk menjaga gereja Tuhan, yang menghasilkan Tubuh-Nya.
- IV. Tuan mengamanatkan Petrus untuk memberi makan kepada anak-anak domba-Nya dan menggembala domba-domba-Nya:**
  - A. Ketika Tuan tinggal bersama disipal-disipal-Nya selepas kebangkitan dan sebelum kenaikan-Nya ke syurga, dalam salah satu penampakan-Nya, Dia mengamanatkan Petrus untuk memberi makan kepada anak-anak domba-Nya dan menggembala domba-domba-Nya dalam ketiadaan-Nya, sementara Dia berada di syurga-syurga—Yoh. 21:15-17.
  - B. Ini adalah untuk menginkorporasikan ministri dutus dengan ministri Kristus di syurga bagi menjaga kawan Tuhan, iaitu gereja yang menghasilkan Tubuh Kristus.

- C. Kemudian dalam buku Kisah, Petrus berkata, “Kami akan terus berteguhan dalam doa dan dalam ministri sabda” (6:4); ini adalah untuk bekerjasama dengan ministri doa-pinta Kristus di syurga (Ibr. 7:25) dan ministri yang meministerkan Tuhan ke dalam umat-Nya (8:2).
- D. Petrus begitu terkesan dengan amanat Tuan ini sehingga dalam buku pertamanya dia memberitahu para percayawan bahawa mereka adalah seperti domba yang sesat, tetapi kini mereka telah kembali kepada Gembala dan Penguruselia sukma mereka (1 Ptr. 2:25):
  - 1. Kristus menghuni kita secara dalaman untuk menjadi hayat dan segala-gala kita, tetapi Dia juga menguruselia, memerhatikan keadaan dan situasi diri dalaman kita.
  - 2. Dia menggembala kita dengan menjaga kebajikan diri dalaman kita dan menguruselia keadaan sukma kita, iaitu persona kita yang sebenar—bd. Ibr. 13:17.
- E. Petrus menasihati para penatua agar menggembala kawanan Tuhan dalam kalangan mereka supaya apabila Ketua Gembala dimanifestasikan, mereka, iaitu penatua yang setia, akan menerima mahkota kemuliaan yang tidak luntur—1 Ptr. 5:1-4.
- F. Kata-kata Petrus menunjukkan bahawa ministri Kristus di syurga terutamanya adalah untuk menggembala gereja Tuhan, iaitu kawanan-Nya yang menghasilkan Tubuh-Nya.

**V. Kata-kata dutus Paulus yang berikut juga menunjukkan inkorporasi ministri dutus dengan ministri Kristus di syurga untuk menjaga kawanan Tuhan:**

- A. Dalam Kisah 20:28, Paulus memberitahu para penatua di Efesus, “Berhati-hatilah kamu untuk sendiri dan untuk semua kawanan; dalam kalangan mereka Roh Kudus telah menempatkan kamu sebagai penguruselia untuk menggembala gereja Tuhan yang diperoleh-Nya [atau dibeli-Nya] menerusi darah-Nya sendiri.”
- B. Paulus berkata, “Aku tahu bahawa setelah aku berangkat, serigala-serigala ganas akan masuk ke kalangan kamu tanpa menyayangi kawanan” (ay. 29); dutus tidak mementingkan nyawa dia sendiri (ay. 24), tetapi amat prihatin akan masa depan gereja yang merupakan harta baginya dan bagi Tuhan.
- C. Dalam Ibrani 13:20 Paulus berkata, “Tuhan...membangkitkan Tuan kita Yesus, iaitu Gembala agung domba, daripada yang mati, melalui darah waadah yang abadi”:
  - 1. Waadah yang abadi ini ialah waadah wasiat baru untuk memperoleh kawanan, iaitu gereja, yang menghasilkan Tubuh dan mengkonsumasikan Yerusalem Baru; waadah abadi Tuhan adalah untuk mengkonsumasikan Yerusalem Baru melalui penggembalaan.
  - 2. Tuhan membangkitkan Tuan kita daripada yang mati untuk menjadikan Dia Gembala agung bagi mengkonsumasikan Yerusalem Baru menurut waadah abadi Tuhan.

**VI. Tujuan dan matlamat utama ministri dutus berinkorporasi dengan ministri Kristus di syurga adalah untuk membina Tubuh Kristus yang akan mengkonsumasikan Yerusalem Baru bagi menyempurnakan ekonomi abadi Tuhan—bd. Ef. 3:2, 8-9; 1 Ptr. 5:10.**

**VII. Hal berkenaan menggembala kawanan Tuhan demi tujuan utama dan konsumsi muktamad ekonomi abadi Tuhan ini juga disebut dalam Kidung Agung:**

- A. “Beritahulah aku, engkau yang dicintai sukma, Di manakah engkau menggembala kawanan dombamu [untuk kepuasan]?/Di manakah engkau membaringkan kawanan domba pada tengah hari [untuk rehat]?”—1:7a.
- B. “Keluarlah ikut jejak kaki kawanan domba,/Dan gembalalah anak-anak kambingmu/Dekat dengan khemah-khemah gembala”—ay. 8b.
- C. “Kekasihku milikku, dan aku miliknya;/Dia menggembala kawanan dombanya

di tengah-tengah bunga bakung [pencari Kristus yang menjalani kehidupan yang menaruh kepercayaan kepada Tuhan dengan hati yang tulus]—2:16.

D. “Aku milik kekasihku, dan kekasihku milikku; / Dia menggembala kawanan dombanya di tengah-tengah bunga bakung”—6:3.

### **VIII. Menggembala percayawan amatlah penting untuk pertumbuhan mereka dalam hayat; kita harus mengambil jalan menggembala untuk memberitakan injil dan memulihbangkitkan gereja:**

A. Kita harus berdoa, “Tuan, aku ingin dipulihbangkitkan; bermula dari hari ini, aku mahu menjadi gembala; aku mahu pergi memberi orang makan, menggembala orang, dan menghimpunkan orang menjadi satu kawanan.”

B. Dalam Yohanes 10 dan 21, Tuan menggunakan tiga perkataan berkenaan penggembalaan: *beri makan*, *gembala*, dan *kawanan* (10:16; 21:15-16); kita juga boleh menggunakan perkataan *kawanan* sebagai kata kerja (bererti menjadi satu kawanan).

C. Semua gereja harus belajar berhimpun menjadi satu kawanan supaya mereka dapat dibaurkan bersama; para penatua dan rakan sekerja seharusnya mendahului untuk mengamalkan hal ini.

### **IX. Jagaan organik terhadap kaki pelita emas merupakan ministri Kristus di syurga, untuk membelai gereja-gereja dalam keinsanan-Nya dan mengkhasiati gereja-gereja dalam kedivinan-Nya bagi menghasilkan pejayeng menerusi penggembalaan organik-Nya—Wahi 1:13; 2:7; Yoh. 10:11, 14; 1 Ptr. 2:25; 5:4; Ibr. 13:20:**

A. Anak Manusia berada dalam keinsanan-Nya, tali pinggang emas menandakan kedivinan-Nya, dan dada menandakan kasih:

1. Kristus telah berikat pinggang di pinggang, diperkuat untuk kerja divin (Kel. 28:4; Dan. 10:5), untuk menghasilkan gereja-gereja, tetapi sekarang Dia berikat pinggang di dada, menjaga gereja-gereja yang telah dihasilkan-Nya melalui kasih-Nya (Wahi 1:13).

2. Tali pinggang emas menandakan kedivinan Kristus sebagai tenaga divin-Nya, dan dada menandakan tenaga emas ini digunakan dan didorong oleh dan dengan kasih-Nya untuk mengkhasiati gereja-gereja.

B. Kristus sebagai Anak Manusia menjaga gereja-gereja dalam keinsanan-Nya untuk membelai mereka—ay. 13a:

1. Dia mengemaskan pelita pada kaki pelita supaya keadaan pelita itu wajar, membelai kita supaya kita gembira, senang hati, dan selesa—Kel. 30:7; bd. Mzm. 42:5, 11:

a. Hadirat Tuan memberikan suasana yang lembut dan mesra untuk membelai kita, memberi kita rehat, keselesaan, penyembuhan, pembersihan, dan galakan.

b. Kita boleh menikmati suasana hadirat Tuan yang membelai dalam gereja untuk menerima perbekalan hayat yang mengkhasiati—Ef. 5:29; bd. 1 Tim. 4:6; Ef. 4:11.

2. Dia menggantung sumbu pelita pada kaki pelita, menyingkirkan segala hal negatif yang menghalang kita daripada bersinar—Kel. 25:38:

a. Bahagian sumbu yang hangus menandakan benda-benda yang tidak menurut tujuan Tuhan, yang perlu digunting, seperti tubuh daging kita, manusia alamiah kita, diri kita, dan ciptaan lama kita.

b. Dia menggunting segala perbezaan dalam kalangan gereja (salah laku, kekurangan, kegagalan, dan kepincangan) supaya mereka menjadi sama dalam esens, penampilan, dan ekspresi—bd. 1 Kor. 1:10; 2 Kor. 12:18; Flp. 2:2.

C. Kristus menjaga gereja-gereja dalam kedivinan-Nya dengan kasih divin-Nya, yang dilambangkan oleh tali pinggang emas yang diikat pada dada-Nya, untuk mengkhasiati gereja—Wahi 1:13b:

1. Dia mengkhiasiati kita dengan diri-Nya sebagai Kristus yang almuhit dalam tiga tahap ministri penuh-Nya supaya kita dapat bertumbuh dan menjadi matang dalam hayat divin untuk menjadi pejayeng-Nya bagi menyempurnakan ekonomi abadi-Nya.
  2. Sebagai Kristus yang berjalan, Dia mengetahui keadaan setiap gereja, dan sebagai Roh yang berbicara, Dia mengemaskan dan memenuhi kaki pelita dengan minyak yang segar, yakni perbekalan Roh itu—2:1, 7; bd. Kel. 27:20-21; Za. 4:6, 11-14.
  3. Untuk berbahagian dalam pergerakan-Nya dan menikmati jagaan-Nya, kita harus berada dalam gereja.
- X. Menerusi penggembalaan Kristus yang ajaib, kita menikmati Dia sebagai berkat kita pada hari ini dan hingga keabadian—Yes. 49:10; Wahi 7:9-17; Yoh. 6:35; 4:13-14; Mzm. 36:7-9; 91:1; Yes. 12:1-6; Wahi 22:1.**